

FARANDULA

Fiesta cu Pierewietje y Flash

E di 8 Lp di e dos gruponan aki

E grupo di Pierewietje y Flash cu actualmente ta consisti di mas di 100 mucha tin un otro lp ariba mercado. Titulo di e lp ta "Fiesta cu Pierewietje y Flash" cu ta e di 8 lp di e grupo ariba plaza.

Sra. Martha Figaroa ta conta con el a cuminsa cu su grupo 10 aña pasa. El a cuminsa cu un grupo chiquito di 6 mucha consistiendo di su 3 yunan y 3 sub-rino. Despues el a stop pa un tempo ya cu e muchanan a cuminsa bira grandi.

Pero no a duna ni 2 luna cu yamadanan a cuminsa drenta pakico e no ta sigui cu e grupo. Y asina el a sigui tuma mas y mas mucha te awor cu e tin mas di 100.

E 100 muchanan ta parti den 3 grupo di Pierewietje y 2 di Flash. Den e grupo di Pierewietje tin mucha di 4 aña cu ya caba a cuminsa demostra nan talento.

Sra. Martha a bisa mayoria di e cancionnan cu e ta siña e muchanan ta cancionnan cu e ta traduci y adapta nan na Papiamento. Tambe e mes ta compone su cancionnan.

Ariba e lp "Fiesta cu Pierewietje" dos di e cancionnan ta di Rey Lampe y dos di Oscar Figaroa. E restonan ta cancionnan conoci canta y adapta na Papiamento.

Pierewietje y Flash a yega di presenta na Curacao y Bonaire y tin hopi planes mas pendiente.

E aña aki e grupo Pierewietje y Flash a ricibi e Gobernador Leito Beker y tambe a haya pa dos aña consecutivo e premio di Mo Tito y Rufo Wever.

E lp cu nan a lanza reciente-



mente ta mayoria di e show cu nan a duna na Juni ultimo. Ta asina cu cada show cu Pierewietje y Flash presenta nan ta trata di trece e cancionnan ariba un lp.

Esnan cu a yuda cu grabacion di e disco ta musiconan Frank Granadillo, Hildward Croes, Johnny Croes, Cedric Werleman, Papito Raphael, Mai

Croes, Catey Werleman, Rey Lampe. E grabacion a ser haci na Aruba Recording Studio y ta di produccion Mara.

Ariba e lp na lado A tin e cancionnan Punch cu Cherry, For Celebracion. Na lado B: Woman di Pabao, Speranza, di bentana, Mi wals, Diasabra anochi, Hise man, y Habri bo Curazon, Awe si mi ta

contento, Redashi y Dushi Mama.

Si tur cos bay manera planca, na December e grupo lo tin un otro lp ariba mercado. Pabien Pierewietje y Flash cu e di 10 aña di existencia y tambe na Sra. Martha Figaroa cu tin un trabao hopi duro pa siña mas di 100 mucha demostra nan talento for di tempran.

